



**Հայաստանի Հանրապետության սնանկության դատարան
Ո Ր Ո Շ ՈՒ Մ**

Սնանկության կառավարիչ նշանակելու մասին

«2» օգոստոսի 2023թ.

ք. Երևան

Հայաստանի Հանրապետության սնանկության դատարանի դատավոր Ա. Բաբայանս, քննարկելով դիմումի Արտավազդ Գագիկի Ծովանյանի՝ կամավոր սնանկության պահանջի մասին սնանկության գործով կառավարիչ նշանակելու հարցը

Պ Ա Ր Զ Ե Ց Ի

Արտավազդ Գագիկի Ծովանյանի ներկայացուցիչը 30.06.2022 թվականին դիմում է ներկայացրել Դատարան՝ Արտավազդ Գագիկի Ծովանյանին սնանկ ճանաչելու պահանջի մասին:

Դատարանի (դատավոր Գ. Հովհաննիսյան) 06.07.2022 թվականի որոշմամբ դիմումը վերադարձվել է:

Գագիկ Ծովանյանի ներկայացուցիչ՝ Գագիկ Գրիգորյանը «Դիմումը վերադարձնելու մասին» 06.07.2022 թվականի որոշման դեմ ներկայացրել է վերաքննիչ բողոք:

ՀՀ վերաքննիչ քաղաքացիական դատարանի (դատավոր՝ Լ. Հովհաննիսյան) 23.08.2022 թվականի որոշմամբ Գագիկ Գրիգորյանի ներկայացրած վերաքննիչ բողոքը բավարարվել է և վերացվել է ՀՀ սնանկության դատարանի 06.07.2022 թվականի թիվ ՍՆԴ/1913/04/22 սնանկության գործով կայացրած «Դիմումը վերադարձնելու մասին» որոշումը:

Դատարանի (դատավոր Գ. Հովհաննիսյան) 26.09.2022թ. որոշմամբ դիմումը ընդունվել է վարույթ և սնանկության գործով ժամանակավոր կառավարիչ է նշանակվել Վահագն Դավթյանը:

Դատարանի (դատավոր Գ. Հովհաննիսյան) 03.10.2022թ. վճռով Արտավազդ Գագիկի Ծովանյանի դիմումը՝ սեփական սնանկությունը ճանաչելու պահանջի մասին, մերժվել է:

Վճռի դեմ Դիմողի ներկայացուցչի կողմից ներկայացվել է վերաքննիչ բողոք:

ՀՀ վերաքննիչ քաղաքացիական դատարանի (դատավոր՝ Լ. Գրիգորյան) 21.04.2023թ. որոշմամբ վերաքննիչ բողոքը բավարարվել է մասնակիորեն: Հայաստանի Հանրապետության սնանկության դատարանի 03.10.2022 թվականի թիվ ՍՆԴ/1913/04/22 վճիռը բեկանվել է և գործն ուղարկել նույն դատարան՝ նոր քննության:

Դատարանի 17.07.2023 թվականին որոշմամբ սնանկության գործն ընդունվել է վարույթ:

Դատարանի 25.07.2023թ. վճռով Արտավազդ Գագիկի Ծովանյանն ճանաչվել է սնանկ: Վճիռն օրինական ուժի մեջ է մտել 25.07.2023թ-ին:

«Սնանկության մասին» ՀՀ օրենքի 19-րդ հոդվածի 1-ին մասի «ա» կետի համաձայն՝ պարտապանին սնանկ ճանաչելու մասին վճիռն օրինական ուժի մեջ մտնելուց հետո դատարանը՝ սույն օրենքի 22-րդ հոդվածով սահմանված կարգով անհապաղ նշանակում է սնանկության գործով կառավարիչ (այսուհետ՝ կառավարիչ)՝ դադարեցնելով ժամանակավոր կառավարչի լիազորությունները (...):

«Սնանկության մասին» ՀՀ օրենքի 22-րդ հոդվածի 2-րդ մասի համաձայն՝ պարտապանին սնանկ ճանաչելու մասին վճռի կայացումից հետո՝ մեկշաբաթյա ժամկետում, գործին որպես դիմող մասնակցած պարտատերերը (եթե պարտատերերը մի քանիսն են, ապա բոլոր պարտատերերը միասին), իսկ կամավոր սնանկության դեպքում պարտապանը ժամանակավոր կառավարչին տվյալ սնանկության գործով կառավարիչ նշանակելու դեմ կարող են ներկայացնել առարկություններ՝ սույն հոդվածի 9-րդ մասով սահմանված հիմքերի առնչությամբ: Առարկություններ ներկայացնելու հետ միաժամանակ համապատասխանաբար պարտատերը կամ պարտապանը կարող է ներկայացնել կառավարչի իր թեկնածուին՝ կցելով վերջինիս գրավոր համաձայնությունը՝ որպես կառավարչի թեկնածու հանդես գալու վերաբերյալ:

Նույն հոդվածի 3-րդ մասի համաձայն՝ ժամանակավոր կառավարչին որպես կառավարիչ նշանակելու դեմ սահմանված կարգով չառարկելու դեպքում դատարանը մեկօրյա ժամկետում որոշում է կայացնում ժամանակավոր կառավարչին կառավարիչ նշանակելու մասին, եթե նա համապատասխանում է սույն հոդվածով սահմանված պահանջներին:

Նկատի ունենալով, որ պարտապանը (կամավոր սնանկության դեպքում) ժամանակավոր կառավարչին տվյալ սնանկության գործով կառավարիչ նշանակելու դեմ առարկություն չի ներկայացրել և, որ ժամանակավոր կառավարիչ Վահագն Դավթյանի թեկնածությունը բավարարում է «Սնանկության մասին» ՀՀ օրենքի 22-րդ հոդվածի 1-ին կետով սահմանված պահանջներին, գտնում են, որ Վահագն Դավթյանին պետք է նշանակել Արտավազդ Գագիկի Ծովանյանի սնանկության գործով կառավարիչ:

«Սնանկության մասին» Հայաստանի Հանրապետության օրենքի 19-րդ հոդվածի 1-ին մասի «դ» կետի համաձայն՝ պարտապանին սնանկ ճանաչելու մասին վճիռն օրինական ուժի մեջ մտնելուց հետո դատարանը կառավարչին պարտավորեցնում է ոչ ուշ, քան համապատասխան դատական ակտերի ուժի մեջ մտնելու պահից՝ 5 օրվա ընթացքում, պարտապանին սնանկ ճանաչելու, կառավարիչ և պարտատերերի առաջին ժողով նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

Գտնում են, որ պետք է սնանկության կառավարչին պարտավորեցնել սույն որոշման ուժի մեջ մտնելու պահից հինգ օրվա ընթացքում պարտապանին սնանկ ճանաչելու և կառավարիչ նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

Ելնելով վերոգրյալից և ղեկավարվելով «Սնանկության մասին» Հայաստանի Հանրապետության օրենքի 21-23-րդ հոդվածներով

Ո Ր Ո Շ Ե Ց Ի

1. Սնանկ ճանաչված Արտավազդ Գագիկի Ծովանյանի սնանկության գործով կառավարիչ նշանակել Վահագն Դավթյանին՝ դադարեցնելով ժամանակավոր կառավարչի նրա լիազորությունները:

2. Սնանկության կառավարիչ Վահագն Դավթյանին հանձնարարել ոչ ուշ, քան սույն որոշման ուժի մեջ մտնելու պահից հինգ օրվա ընթացքում պարտապանին սնանկ ճանաչելու և կառավարիչ նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային

ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

3. Կառավարչի վարձատրության ամսական չափը սահմանել համաձայն «Սնանկության մասին» Հայաստանի Հանրապետության օրենքի:

4. Արտավազդ Գագիկի Ծովանյանին պարտավորեցնել 10 օրվա ընթացքում կառավարչին ներկայացնել «Սնանկության մասին» Հայաստանի Հանրապետության օրենքի 12-րդ հոդվածով սահմանված փաստաթղթերը:

Որոշումն օրինական ուժի մեջ է մտնում կայացման պահից և կարող է բողոքարկվել Հայաստանի Հանրապետության վերաքննիչ քաղաքացիական դատարան՝ կայացվելուց հետո, 15-օրյա ժամկետում:

ԴԱՏԱՎՈՐ՝



ԱՐՄԵՆ ԲԱԲԱՅԱՆ